

BOSNA I HERCEGOVINA  
FEDERACIJA BOSNE I HERCEGOVINE  
Bosansko-podrinjski kanton Goražde  
GRAD GORAŽDE  
Skupština JKP "6.MART" d.o.o. Goražde

Broj: 275/22

Datum: 23.03. 2022. godine

Na osnovu člana 234. stav 1. tačka k. a u vezi sa članom 303. Zakona o privrednim društvima FBiH ("Sl. novine FBiH", br. 81/2015 i 75/2021), i člana 6. i 9. Zakona o Javnim preduzećima ("Službene novine Federacije BiH", broj 8/05, 81/08, 22/09, 109/12) i u skladu sa odredbama člana 34. stav 4. Statuta JKP "6 Mart" d.o.o. Goražde ("Službene novine Općine Goražde" broj: 05/12) sa Izmjenama i dopunama Statuta JKP „6.Mart" d.o.o Goražde („Službene novine Grada Goražda" broj: 05/16), Izmjenama i dopunama Statuta JKP „6.Mart" d.o.o („Službene novine Grada Goražda" broj: 07/17), i Izmjenama Statuta JKP „6.Mart" d.o.o Goražde broj:1286/20 od 07.12.2020. godine, Skupština JKP "6 Mart" doo Goražde, raspisuje

## **JAVNI KONKURS** **za izbor i imenovanje članova Nadzornog odbora** **JKP "6 Mart" d.o.o. Goražde**

### **I -Predmet konkursa**

Raspisuje se konkurs za izbor i imenovanje 2 (dva) člana Nadzornog odbora Javnog preduzeća za komunalne djelatnosti "6 mart" d.o.o. Goražde.

### **II- Opis pozicije**

Nadzorni odbor nadležan je da:

- 1.nadzire rad preduzeća;
- 2.predlaže Skupštini donošenje, izmjene i dopune Statuta i Etičkog kodeksa;
- 3.donosi Poslovnik o radu Nadzornog odbora ;
4. priprema poslovničke i predlaže ih skupštini;
- 5.priprema etički kodeks i predlaže da skupštini;
- 6.organizuje izradu vjerodostojnih računovodstvenih evidencija i finansijskih izvještaja u skladu sa važećim zakonima;
- 7.utvrđuje prijedlog trogodišnjeg, godišnjeg i revidiranog plana poslovanja;
- 8.usvaja izvještaj uprave po polugodišnjem i godišnjem obračunu sa bilansom stanja i bilansom uspjeha na osnovu prethodno datog mišljenja Odbora za reviziju ;
- 9.podnosi Skupštini godišnji izvještaj o poslovanju preduzeća koji obavezno uključuje: finansijski izvještaj i izvještaje revizora, Nadzornog odbora i Odbora za reviziju ;
- 10.bira predsjednika nadzornog odbora
11. bira upravu i sekretara preduzeća;
- 12.daje mišljenje skupštini o prijedlogu uprave za raspodjelu profita ;

13. imenuje i razrješava članove uprave u skladu sa odredbama statuta; vrši izbor kandidata Odbora za reviziju i podnosi prijedlog za njegovo imenovanje skupštini;
14. nadzire upravu u primjeni preporuka datih od odbora za reviziju i vanjskog revizora u utvrđenim vremenskim rokovima;
15. odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom u toku poslovne godine u obimu od 15% do 33% knjigovodstvene vrijednosti ukupne imovine preduzeća, po bilansu stanja na kraju prethodne godine ;
16. predlaže Skupštini preduzeća kupovinu prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom u toku poslovne godine u obimu većem od 33% knjigovodstvene vrijednosti ukupne imovine preduzeća po bilansu stanja na kraju prethodne godine ;
17. formira povremene komisije i utvrđuje njihov sastav i zadatke;
18. saziva skupštinu preduzeća;
19. razmatra provedbeni propis za postupak nabavke u smislu njegove usaglašenosti sa važećim propisima o nabavci;
20. vrši nadzor nad radom uprave i zaposlenika javnog preduzeća u pogledu primjene provedbenog propisa o postupku nabavke, te važećih propisa o nabavci;
21. nadzire upravu u primjeni preporuka datih od Odbora za reviziju i vanjskog revizora u utvrđenim vremenskim rokovima;
22. razmatra mjesečne izvještaje o radu Odbora za reviziju ;
23. donosi cjenovnik komunalnih usluga za vodu i odvoz smeća, uz saglasnost Gradskog vijeća;
24. vrši druge poslove predviđene zakonom.

### **III-Mandat**

Članovi Nadzornog Odbora imenuju se na period od 4 (četiri) godine, s tim da po isteku perioda od 2 (dvije) godine od dana imenovanja, Skupština preduzeća glasa o povjerenju članovima Nadzornog odbora.

Predsjednik i članovi Nadzornog odbora nakon imenovanja sa Preduzećem zaključuju ugovor koji odobrava Skupština preduzeća.

### **IV- Uslovi za imenovanje**

Kandidati za imenovanje na tražene pozicije moraju ispunjavati opće i posebne uslove.

#### **Opći uslovi :**

**1.** da je stariji od 18 godina (*dokaz:izvod iz matične knjige rođenih original ili ovjerena kopija istog*),

**2.** da je državljanin Bosne i Hercegovine (*dokaz: uvjerenje o državljanstvu, ne starije od 6 mjeseci ili ovjerena kopija istog*),

**3.** da nije osuđivan za krivično djelo i za prekršaj nespojiv s dužnošću u Nadzornom odboru, pet godina od dana pravosnažnosti presude, isključujući vrijeme zatvorske kazne (*dokaz : potpisana*

*izjava, ovjerena od strane nadležnog općinskog organa ili od strane notara, ne starija od 6 mjeseci),*

**4.** da mu presudom suda nije zabranjeno obavljanje aktivnosti u nadležnosti nadzornog odbora u koji se kandiduje (*dokaz : potpisana izjava, ovjerena od strane nadležnog općinskog organa ili od strane notara, ne starija od 6 mjeseci),*

**5.** da nema privatni finansijski interes u Preduzeću u čiji se nadzorni odbor kandiduje (*dokaz: potpisana izjava ovjerena od strane nadležnog općinskog organa, ili od strane notara, ne starija od 6 mjeseci),*

**6.** da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja upražnjene pozicije (*dokaz: potpisana izjava ovjerena od strane nadležnog općinskog organa ili od strane notara, ne starija od 6 mjeseci),*

**7.** da se na kandidata ne odnosi član IX 1. Ustava Bosne i Hercegovine (*dokaz : potpisana izjava ovjerena od strane nadležnog općinskog organa ili od strane notara , ne starija od 6 mjeseci),*

**8.** da ne postoje druge zakonske smetnje za obavljanje funkcije u Nadzornom odboru (*dokaz: potpisana izjava ovjerena od strane nadležnog općinskog organa ili od strane notara, ne starija od 6 mjeseci).*

### **Posebni uslovi :**

**1.** da ima visoku stručnu spremu VSS, VII stepen stručne spreme (ekvivalent Bolonjskog sistema studiranja sa ostvarenih 240 ECTS bodova) ili završen stepen drugog ciklusa univerzitetskog studija/ po Bolonjskom sistemu / sa ukupno 300 ECTS studijskih bodova, (*dokaz: ovjerena kopija diplome fakulteta ili uvjerenja o diplomiranju o sticanju VSS VII stepen stručne spreme ili ekvivalenta Bolonjskog sistema studiranja sa ostvarenih 240 ECTS bodova, ili kopija diplome fakulteta ili uvjerenja o diplomiranju o završenom stepenu drugog ciklusa univerzitetskog studija (po Bolonjskom sistemu studiranja ) sa ukupno 300 ECTS studijskih bodova),*

**2.** da ima najmanje 3 (tri) godine radnog staža u struci nakon sticanja univerzitetske diplome, odnosno visokog obrazovanja (*dokaz: potvrda ili uvjerenje poslodavca o potrebnom radnom iskustvu iz kojeg se jasno može utvrditi da je kandidat radio na poslovima za koje se traži visoka stručna sprema/visoko obrazovanje, original ili ovjerena kopija istog),*

**3.** da nije predsjednik ili član nadzornog ili upravnog odbora preduzeća sa učešćem državnog kapitala ili institucije (*dokaz: potpisana izjava ovjerena od strane nadležnog općinskog organa, ili od strane notara, ne starija od 6 mjeseci),*

**4.** da je prošao odgovarajuće usavršavanje u skladu sa Zakonom o privrednim društvima („Sl.novine Federacije BiH“, broj 81/15) i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala iz nadležnosti

Kantona Sarajevo („Službene novine Kantona Sarajevo“, br. 34/19), odnosno da preuzima obavezu da usavršavanje obavi u roku predviđenom navedenom Uredbom (*dokaz: original ili ovjerena kopija Certifikata o završenom usavršavanju izdat od strane nadležnog organa/Komore ili Izjava potpisana i ovjerena od strane nadležnog općinskog organa ili od strane notara kojom kandidat izjavljuje da preuzima obavezu da usavršavanje obavi u roku od jedne (1) godine od dana imenovanja na poziciju*).

Kandidat koji posjeduje certifikat izdat od ovlaštenog organa bilo kojeg nivoa vlasti u Bosni i Hercegovini, izuzet je od obaveze ovog usavršavanja.

5. da ima pozitivne rezultate rada ostvarene tokom radnog angažmana (*dokaz: preporuka poslodavca ili posljednja ocjena poslodavca o rezultatima rada, original ili ovjerena kopija iste*).

6. da nije stariji od 65 godina na dan imenovanja.

**Javni oglas ostaje otvoren 15 dana od dana objavljivanja u dnevnom listu “Oslobođenje”.**

Prijavu sa traženom dokumentacijom dostaviti u zatvorenoj koverti sa naznakom:

**“PRIJAVA NA JAVNI KONKURS ZA IZBOR I IMENOVANJE  
ČLANOVA NADZORNOG ODBORA JKP „6.Mart“ d.o.o. GORAŽDE  
– NE OTVARATI”**

Prijavu dostaviti lično na protokol Grada Goražda ili preporučeno putem pošte na adresu:

Komisija za izbor predsjednika i članova reguliranih tijela Grada Goražda, kanc.broj:20,  
Ul.Maršala Tita 2 Goražde.

Neblagovremene, nepotpune i neuredne prijave neće se uzimati u razmatranje.

DOSTAVITI:

PREDSJEDNIK SKUPŠTINE  
JKP “6 Mart” d.o.o. Goražde

1.Upravi JKP “6 Mart” d.o.o. Goražde

Damir Bezdrob

2. Komisiji za izbor i imenovanje članova Nadzornog odbora

3.Gradskom vijeću Grada Goražda

4. Gradonačelniku Grada Goražda

5.Službi za pravne, opće i kadrovske poslove

6.Na objavu Službene novine Grada Goražda

7.Dnevnom listu Oslobođenje

8. Web stranici Grada Goražda

9. Arhivi JKP "6 Mart" d.o.o. Goražde